

法苑珠林

卷五十一

四百八十六
書一

51409



元祿九年丙子二月日重脩

皇圖聖圖 帝潛銀昌

佛日增輝 懋輪常轉

山城州天安寺法金剛院置

印

法苑珠林卷第五十一

書

大唐上都西明寺沙門釋道世字玄暉撰

善友篇第五十三

此有二部



惡友篇第五十四

擇交篇第五十五

迷意部第一 夫理之所窮唯善與惡願此

二途條然易辯幽則有罪福苦樂顯則有賢

愚榮辱愛榮憎辱趣樂背苦含識所必同也

今愛榮而不知慕賢求福而不知避禍譬猶

播植粃糲而欲歲取精糧駟駕駑蹇而望騰

超躡絕不亦惑哉如鳥獸虫卉之智猶知因

風假霧託迅附高以成其事奚況於人而無

託友以就其善乎故所託善友則身存而成

德所親闇蔽則身悴而名惡也故玄軌之宗
出於高範切瑳之意事存我友又搏牛之蝱
飛極百步若附鸞尾則一者翦万里此豈非其
翼工之所託迅也亦同凡夫弱喪極不越人
天若憑大聖之威則高昇十地同生淨域也
引證部第二 如涅槃經云阿難比丘說半
梵行名善知識佛言不尔具足梵行乃名善
知識又云善知識者如法而說如說而行云何
名為如法而說如法而行自不煞生教人不煞
生乃至自行正見教人行正見若能如是則
得名為真善知識自修菩提亦能教人修行
菩提以是義故名善知識自能修行信戒布

施多聞智慧亦能教人修行信戒布施多聞
智慧復以是義名善知識善知識者有善法
故何等善法所作之事不求自樂常為衆生
而求於樂見他有過不訟其短口常宣說純
善之事以是義故名善知識善男子如空中月
從初一日至十五日漸漸增長善知識者亦

書

法苑珠林卷三

一

復如是今諸學人漸遠惡法增長善法善男
子若有親近善知識者本未有定慧解脫解
脫知見即便有之未具足者則得增廣又云
善友當觀是人貪欲瞋恚愚癡思覺何者偏
多若知是人貪欲多者則應為說不淨觀法
瞋恚多者為說慈悲思覺多者教令數息著

我多者當爲分析十八界等聞已修行次第
獲得四念處觀身受心法得是觀已次第復
觀十二因緣如是觀已次得暖法從得暖法
乃至漸得羅漢辟支佛果菩薩大乘佛果等
依此而生更無疑滯自利利他不加水乳是
名真善知識法師之位若不具此非善知識
加水之法不可依承故佛性論引經偈云
無知無善識 惡友損正行 蜘蛛落乳中
是乳轉成毒 是故要須真實利益衆生先
自調伏然後教人無寡聞失無退行失無散
亂失無輕慢失無顛倒失無貪求失無瞋恚
失無邪行失無著我失無小行失具此十法

名善知識故莊嚴論偈云 多聞及見諦

巧說亦憐愍 不退此丈夫 菩薩勝依止

又佛本行經云 爾時世尊又共長老難陀至

於一賣香店見彼店上有諸香裹見已即告長

老難陀作如是言難陀汝來取此店上諸香

裹物難陀爾時即依佛教於彼店上取諸香

裹佛告難陀汝於漏刻一移之頃捉持香裹

然後放地爾時長老難陀聞佛如此語已手

執此香於一刻間還放地上爾時佛告長老

難陀汝今當自嗅於手看爾時難陀聞佛語

已即嗅自手佛語難陀汝嗅此手作何等氣

白佛言世尊其手香氣微妙無量 佛告難

隨順如是如是若人親近諸善知識恒常自居
隨順染習相親近故必定當得廣大名聞
時世尊因此事故而說偈言

若有手執沉水香

及以藿香麝香等

須臾執持香自染

親附善友亦復然

今時世尊復說偈言

若人親近惡知識

現世不得好名聞

必以惡友相親近

當來亦墮阿鼻獄

若人親近善知識

隨順彼等所業行

雖不現證世間利

未來當得盡苦因

又四分律親友意者

要具七法方成親友一難作能作二難與能

與三難忍能忍四密事相告五牙相覆藏六

遭苦不捨七貧賤不輕如是七法人能行者
 是親善友應親附之又大莊嚴論佛說偈云
 無病第一利 知足第一富 善友第一親
 涅槃第一樂 又迦羅越六向拜經云善知
 識者有四輩一外如怨家內有厚意二於人
 前直諫於外說人善三縣官若為其征訟
 憂解之四見人貧賤心不棄捐當念欲富之
 善知識者復有四輩一為吏所捕將歸箴匿
 於後解決之二有病瘦消損將歸養視之三
 知識死亡棺斂視之四知識已死復念其家
 又生經云佛告諸比丘往古久遠不可計時
 於他異土時有四人以為親厚共止一處時

有獵師射獵得鹿欲來入城各共議言吾等
設計從其獵師當索鹿肉知誰獲多俱即發
行一人陳詞其言麋獠而高自大咄男子當
惠我肉欲得食之第二人曰唯兄施肉令弟
得食第三人曰仁者可愛以肉相與吾思食
之第四人曰親厚稍肉唯見乞施吾欲食之

俱共飢渴時獵師觀察四人言詞各隨所言
以偈報之先報第一人曰

卿詞甚麋獠云何相與肉其言如刺人

且以角相施報第二人曰

此人為善哉謂我以為兄其詞如枝體

便持一膊與報第三人曰

可愛敬施我 而心懷慈哀 詞其如腹心

便以心肝與 報第四人曰

以我為親厚 其身得同契 此言快善哉

以肉皆相與 於時獵師隨其所志言詞鹿細各

與肉分於是天現其身而作頌曰 一切男子詞

柔輒歸其身 是故莫鹿言 衰利不離身

尔時佛告諸比丘第一鹿詞則所欣釋子是

第二人者毘陀和梨是第三人者黑優陀是

第四人者今阿難是天說偈者則吾身是尔

時相遇今亦如是 又佛本行經云佛告諸

比丘我念往昔久遠之時波羅柰國有一鳥

王其鳥名曰蘇弗多羅隋言善子而依住彼波羅

柰城與八萬鳥和合共住善子烏王有妻名

曰蘇弗室利

隋言善女

時彼烏妻共彼烏王行欲

懷妊時彼烏妻忽作是念願我得淨香潔飲

現今人王之所食者而彼烏妻思是飲食不

能得故宛轉迷悶身體顛顛羸瘦戰掉不自

安故問其妻言汝今何乃宛轉於地身體顛

顛羸瘦戰掉不能自安彼時烏妻報烏王言

善哉聖子我今有娠乃作是念願得清淨香

潔餽饌如王食者時善子烏語其妻言異哉

賢者如我今日何處得是香美飲食王宮深

邃不可得到我若入者於彼手邊必失身命

彼妻又復報烏王言聖子今者若不能得如

是飲食我死無疑并其胎子亦必無活善子
烏王復告妻言異哉賢者汝今死日必當欲
至乃思如是難得之物善子烏王作是語已
憂愁悵怏思惟而住復作是念如我意者如
是香潔清淨飲食如王食者實難得也尔時
烏王羣衆之內乃有一烏見善子烏心懷愁
憂不樂而住見是事已詣烏王所白烏王言
異哉聖者何故憂愁思惟而住善子烏王於
時廣說前事因緣彼烏復白善子王言善哉
聖子莫復愁憂我能為王覓是難得香美餽
饍王所食者是時烏王復告彼烏作如是言
善哉善友汝若力能為我得辦如此事者我

當報汝所作功德。尔時彼烏從烏王所居住之處飛騰虛空至梵德王宮去厨不遠坐一樹上觀梵德王食厨之內其王食辦有一婦女備具餽饌食時將至專以銀器盛彼飲食欲奉與王。尔時彼烏從樹飛下在彼婦女頭上而立啄嚙其鼻。時彼婦女患其鼻痛即翻此食在於地上。尔時彼烏即取其食將與烏王。烏王得已即將與彼善女烏妻。其妻得已尋時飽食身體安隱如是產生。尔時彼烏別日數往奪彼食取將與烏王。時梵德王屢見此事作如是念。奇哉奇異云何此烏數數恒來穢汙我食復以喙爪傷我婦女。而王不能

忍此事故尋時勅喚納捕獵師而語之言卿
等急速至彼烏處生捕將來其諸獵師聞王
勅已啓白王言如王所勅不敢違命獵師往
至以其羅網捕得此烏生捉將來付梵德王
時梵德王語其烏言汝比何故數汗我食復
以隼爪傷我婦女尔時彼烏語梵德王善哉

書

法苑珠林卷五十一

三

三

大王聽我向王說如此事令王歡喜時梵德
王心生喜悅作如是念希有斯事云何此烏
能作人語作是念已告彼烏言善哉善哉汝
必爲我說斯事意令我歡喜尔時彼烏即以
偈頌向梵德王而說之曰

大王當知波羅柰 有一烏王恒依止

八萬烏衆所圍遶

悉皆取彼王處分

彼烏王妻有所憶

我向大王說其緣

烏妻所思香美膳

如是大王所食者

是故我今數數來

抄撥大王香美食

今者為彼烏王故

致被大王之所繫

善哉唯願大聖王

慈悲憐愍放脫我

我為烏王彼妻故

數來抄撥大王食

我念從此一生來

未曾經造如此事

今為大王一勅已

於後不敢更復為

時梵德王既聞彼烏如此語已心生喜悅作如

是言希有此事人尚不能於其主邊有如是

等愛重之心如此烏也作是語已其梵德王

而說偈言

若有如是大臣者

彼應重答食封祿

須似如是猛健鳥

為主求食不惜命

其梵德王說此偈已

復告烏言善哉汝烏於今已去常來至此取
香美食若其有人遮斷於汝不與食者來語
我知我自與汝已分所食而將去耳佛告諸
比丘汝等當知彼烏王者我身是也彼時為主
偷食烏者即憂陁夷比丘是也梵德王者此
即輸頭檀王是也於時比丘憂陁夷令彼歡
喜為我取食今亦復令淨節王心生歡喜
又復為吾而將食來 頌曰

澡身沐德 鑪冶心塵

水開春日 蘭敷秋年

慧人成括 愚友增纏 將昇寶地 願值善緣

惡友篇第五十四 此有部 述意部第一

惟夫七聖垂化 正攝羣心 善惡二門 用標宗

極善類清昇 惡稱俯墜 良由業惑未傾 牢籠

三界情塵不靜 擁翳五燒 滯八倒之沉淪 繫

四生之維繫 是故隨順邪師 信受惡友 致使

煩惑難攝 亂使常行 心馬易馳 情猴難禁 脩

福念善罕 自無聞造罪造慳 日就增進 因此

輪迴生死不絕 大聖愍之 豈不痛心也

引證部第二 如尸迦羅越 六向拜經云 惡

知識者有四輩 一內有怨心 外強為知識 二

於人前好言語 背後說人惡 三有急時於人

前愁苦背後歡喜四外如親厚內興怨謀惡
知識復有四輩一小侵之便大怒二有倩使
之便不肯行三見人有急時避人走四見人
死亡棄之不視 又涅槃經云菩薩摩訶薩
觀於惡為及惡知識等無有二何以故俱壞
身故菩薩摩訶薩於惡為等心無怖懼於惡
知識生怖畏心何以故是惡象等唯能壞身
不能壞心惡知識者二俱壞故是惡象等唯
壞一身惡知識者壞無量善身無量善心是
惡為等唯能破壞不淨臭身惡知識者能壞
淨身及以淨心是惡為等能壞肉身惡知識
者壞於法身為惡為煞不至三惡為惡友煞

必至三惡是惡為等但為身怨惡知識者為善法怨是故菩薩當遠離諸惡知識

又增一阿含經世尊說偈云

莫親惡知識

亦莫愚從事

當近善知識

人中最勝者

人中無有惡

習近惡知識

後必種惡根

永在暗行

書 法苑珠林卷五十一

又中阿含經云尔時世尊告諸比丘有七怨家法而作怨家第一不欲令怨家有**好色**雖好沐浴名香塗身然為色故瞋恚覆心而作怨家第二不欲令怨家安隱睡眠雖卧床枕覆以錦綺然故憂苦不捨瞋恚覆心而作怨家第三不欲令怨家而得大利雖應得利而

不得利應不得利而得其利彼此二法更乎
相違瞋恚覆心而作怨家第四不欲令怨家
有朋友若有親朋捨離避去因瞋覆心而作
怨家第五不欲令怨家有稱譽彼惡名醜聲
周聞諸方因瞋覆心而作怨家第六不欲令
怨家極大財富彼大富人儻失財物因瞋覆
心而作怨家第七不欲令怨家身壞命終往
至善處彼身口意惡行已命終必至惡處生
地獄中而作怨家 又佛本行經云今時佛
告諸比丘言我念往昔久遠世時於雪山下
有二頭鳥同共一身在於彼住一頭名曰迦
嚩荼鳥一頭名憂波迦嚩荼鳥而彼二鳥一

頭若睡一頭便寤其迦嘍啞又時睡眠近彼
寤頭有一果樹名摩頭迦其樹花落風吹至
彼所寤頭邊其頭介時作如是念我今雖復
獨食此花若入於腹二頭俱時得色得力並
除飢渴而彼寤頭遂即不令彼頭睡寤亦不
告知默食彼花其彼睡頭於後寤時腹中飽
滿欬噦氣出即語彼頭作如是言汝於何處
得此香美微妙飲食而敢食之令我身體安
隱飽滿令我所出音聲微妙彼寤頭報言汝
睡眠時此處去我頭邊不遠有摩頭迦花果
之樹當於彼時一花墮落在我頭邊我於介
時作如是念今我但當獨食此花若入於腹

俱得色力並除飢渴是故我時不令汝寤亦
不語知即食此花亦時彼頭聞此語已即生
瞋恚嫌恨之心作如是念其所得食不語我
知不喚我覺即便自食若如此者我從今後
所得飲食我亦不喚彼寤語知而彼二頭至
於一時遊行經歷忽然值遇一箇毒花便作
是念我食此花願令二頭俱時取死于時語
彼迦嚩唎言汝今睡眠我當寤住時迦嚩唎
聞彼憂波迦嚩唎言如是語已便即睡眠其
彼憂波迦嚩唎言尋食毒花迦嚩唎頭既睡
寤已歎噦氣出於是即覺有此毒氣而告彼
頭作如是言汝向寤時食何惡食令我身體

不得安隱命將欲死又令我今語言麁澀欲
作音聲鄣礙不利於是寤頭報彼頭言汝睡
眠時我食毒花願令二頭俱時取死於時彼
頭語別頭言汝所為者一何太卒云何乃作
如是事已即說偈言

我食妙花甘美味

汝於晷日睡眠時
其花風吹在我邊

汝返生此大瞋恚

凡是癡人願莫見

亦願莫聞癡共居

與癡共居無利益

自損及以損他身

佛告諸比丘汝等若

有心疑彼時迦嘍唎鳥食美花者莫作異見

即我是彼時憂波迦嘍唎鳥食毒花者即此

提婆達多是也我於彼時為作利益返生瞋

志今亦復尔我教利益返更用我為怨讎也
又佛本行經云尔時世尊與彼難陀入迦毗
羅婆蘇都城入已漸至一賣魚店尔時世尊
見彼店內茅草鋪上有一百頭臭爛死魚置
彼草鋪見已告彼長老難陀作如是言難陀
汝來取此魚鋪一把茅草其彼難陀而白佛
言如世尊教作是語已即於彼店魚鋪下抽
取一把臭惡茅草既執取已佛復告言長老
難陀少時捉住還放於地難陀白言如世尊
教即把草住尔時難陀捉得彼草經一時頃
便放於地尔時佛復告難陀言汝自嗅手尔
時難陀即嗅其手尔時佛復告難陀言汝手

何氣長老難陀報言世尊唯有不淨腥臭氣也今時佛告長老難陀如是如是若人親近諸惡知識共爲朋友交往止住雖經少時共相隨順後以惡業相染習故令其惡聲名聞遠至今時世尊因斯事故而說偈言

猶如在於魚鋪下 以手執取一把茅

其人手即同魚臭 親近惡友亦如是

頌曰 峨峨王舍城 鬱鬱靈竹園

中有神化長 巧誘入幽玄 善人募授福

惡友樂讎怨 善惡昇沉異 薰蕕別路門

擇交篇第五十五 述意部第一

蓋聞經說善知識者不得暫離惡知識者不

得暫近但凡夫識心辟同素絲隨緣改轉受
色有殊境來薰心心應其境心境相乘善惡
業現故知三寶所資在物爲貴其德旣弘其
功亦大願捐棄惡友親近善人非直自行得
成亦使幽顯歸心也 引證部第二

如僧祇律云佛告諸比丘過去世時雪山根
底曲山壑中有向陽處衆鳥雲集便共議言
我等今日當推舉一鳥爲王令衆畏難不作
非法衆鳥議言善誰應爲王有一鳥言當推
鷓鴣有一鳥言此事不可何以故高脚長頸
衆鳥脫犯啄我等腦衆咸言尔復有一鳥言
當推鵝爲王其色絕白衆鳥所敬衆鳥復言

此亦不可顏貌雖白項長且曲自項不直安
能正他是故不可又復衆言正有孔雀羽毛
綵飾觀者悅目可應爲王復言不可所以者
何衣毛雖好而無慚愧每至儻時醜形出現
是故不可有一鳥言土梟爲王所以者何晝
則安靜夜則伺守能護我等堪爲王者衆咸
可尔有一鸚鵡在一處住而多智慧作是念
言衆鳥之法夜應眠息晝則求食是土梟法
夜寤晝則多睡而諸衆鳥圍侍左右晝夜警
宿不復眠睡甚爲苦事我今設語彼當瞋恚
拔我毛羽正欲不言衆鳥之類長夜受困寧
受拔毛不越正理便到衆鳥前舉翅恭敬白

衆鳥言願聽我說如前意見尔時衆鳥即說
偈答 點慧廣知義 不必以季者

汝季雖幼小 智者宜時說

尔時鸚鵡聞衆鳥說即說偈言

若從我意者 不用土鳥王

歡喜時覩面

常令衆鳥怖 况復瞋恚時

其面不可觀

時衆鳥咸言實如所說即共集議此鸚鵡鳥
聰明點慧堪應爲王便拜爲王佛告諸比丘
彼時土鳥者今闍陀比丘是鸚鵡鳥者今阿
難是 又僧祇律云佛告諸比丘如過去世
時有群鷄依榛林住有狸侵食雄鷄唯有雌
在後有鳥來覆之共生一子子子作聲時公說

偈言

此兒非我有

野父聚落母

共合生一子

非鳥復非鷄

若欲學公聲

復是鷄母生

若欲學母鳴

其父復是鳥

學鳥似鷄鳴

學雞作鳥聲

鳥鷄二兼學

是二俱不成

又智度論云何布施生尸波

羅蜜菩薩思惟衆生不知布施後世貧窮以

書

法苑珠林卷五十一

十一

十一

貧窮故劫盜心生以劫盜故而有煞害以貧

窮故不足於色色不足故而作邪行以貧窮

故爲人下賤下賤畏他而生妄語如是等貧

行十不善道若行布施生有財物不爲非法

何以故五欲充足無所乏短如提婆達多本

生曾爲一蛇與一蝦蟇一龜在一池中共結

親友其後池水竭盡飢窮困乏無所控告時
蛇遣龜以呼蝦蟇蟇說偈以遣龜言

若遭貧窮失本心 不惟本義食為先

汝持我聲以語蛇 蝦蟇終不到汝邊

若修布施後生有福無所短乏則能持戒無
此衆惡是為布施能生尸羅波羅蜜若能布
施以破慳心然後持戒忍辱等易可得行如
文殊師利在晉過去久遠劫時曾為比丘入
城乞食得滿鉢百味歡喜丸城中有一小兒
追而從乞不即與之乃至佛圖手捉二丸而
要之言汝若能自食一丸以一丸施僧者當
以施汝即相然可以一歡喜丸布施衆僧然

後於文殊師利許受戒發心作佛如是布施
能令受戒發心作佛 頌曰

善惡自相違 明闇不同止 聖人愍迷徒

乘機入生死 慕德祛賢煩 懲心見真理

擇交惡自終 出苦方有始

感應緣略引三驗 魏沙門釋超達

魏沙門釋僧朗 齊沙門釋道豐

魏滎陽釋超達未詳氏族元魏中行業僧也
多知解善呪術帝禁圖讖尤急所在搜訪有
人誣達乃收付滎陽獄時魏博陵公檢勘窮
効達以實告公遂大怒以車輪繫頸嚴防衛
之自知無活專念觀音至夜四更忽不見輪

書 法苑珠林

唯見守者皆大昏睡因走出外將欲遠避以
繫獄囚久脚遂變急不能遠行至曉虜騎四
出追之達急伏卧草中兵騎蹋草悉皆靡遍
對逼不見仰看虜面悉以皮鄣自達一心服
死唯專誠稱念夜虜去尋即得脫又有僧明
道人為北臺石窟寺主魏氏之王天下每疑
沙門為賊官收數百僧並五繫縛之僧明為
魁首以繩急繫從頭至足剋明斬決僧明大
怖一心念觀世音至於半夜覺繩小寬私心
欣幸精誠弥切及曉索繩都斷既因得脫逃
逸奔山明旦獄監來覓不見唯有斷繩在地
知為神力所加非閑人事即以奏聞帝信道

人不以遂摠釋放

魏涼州釋僧朗魏虜攻

涼州城民少逼僧上城舉城同陷收登城僧
三千人至軍將至魏主所謂曰道人當坐禪
行道乃復作賊登城罪極刑戮明日當殺至
期食時赤氣數丈貫日直度天師殺謙之為
帝所信奏曰上天降異正為道人實非本心
官抑令上願不須殺帝遂放之猶散配役徒
唯朗等數僧別付帳下從駕東歸及魏軍東
還朗與同學思慕本鄉中路共叛然嚴防守
更無走處東西絕壁莫測淺深上有大樹傍
垂岸側遂以鼓旗竿繩繫樹懸下時夜大暗
崖底純棘無安足處欲上崖頭復恐軍覺投

計憶惶捉繩懸住勢非及久共相謂曰今厄
頓至唯念觀音以頭扣石一心專注須臾光
明從日處出通照天地乃見棘中有得下處
因光至地還忽冥暗方知聖力非閑天明相
慶感遇便泰稍眠良久天曉始聞軍衆警角
將發而山谷重疊徘徊萬里不知出路候月

書

法苑珠林卷之三十一

而行路值大虎出在其前相顧而言雖免虜
難虎口難脫朗語僧曰不如君言正以我等
有感所以現光今遇此虎將非聖人示吾路耶
於是二人徑詣虎所虎即前行若朗小遲虎
亦暫住至曉得出而失虎蹤便隨道自進至
于七日達於仇池又至涼漢出于荊州不測

所終。齊相州鼓山釋道豐未詳氏族世稱
得道之流與弟子三人居相州鼓山中不求
利養或云靈丹黃白醫療占相世之術藝無
所不解齊高來往并鄴常過問之應對不思
隨事標荅帝曾命酒并蒸肫勅置豐前令遣
食之豐聊無辭讓極意飽噉帝乃大笑亦不
與言駕去後謂弟子曰除却床頭物及發撒
床見向者蒸肫酒等猶在都不似噉嚼處時
石窟寺有一坐禪僧每日西則東望山顛有
丈八金像現此僧私喜謂覩靈瑞日日禮拜
如此可經兩月後在房卧忽聞枕間有語謂
之曰天下更何處有佛汝今道成即是佛也

尔當好作佛身莫自輕脫此僧聞已便起恃
重傍視群僧猶如草芥於大衆前側手指脅
云你輩頗識真佛不泥龕畫佛語不出脣智
慮何如你見真佛不知禮敬猶作本日期我
悉墮阿鼻又眼精已赤叫呼無常合寺知是
驚憚及未發前輦詣豐所徑即謂曰汝兩月
已來常見東山上現金像耶荅曰實見又白
汝聞枕間遣作佛耶荅曰實然豐曰此風動
失心耳若不早治或狂走難制便以針針之
三處因即不發及豐臨終謂弟子曰吾在山
久汝等有谷汲之勞今去無以相遺當留一
泉與汝既無涉降辛苦努力勤修道業便指

竈傍去一方石遂有懸泉澄映不盈不減於

今現存 右三驗出
梁高僧傳

法苑珠林卷第五十一

書

惛

於粉

糝

糝

上甲

復

反

駑

蹇

上音奴

鈍

馬

下

驢

復

休正

卉

許偉

名

百

迂

反私

悴

秦醉

瑳

七

有

反

搏

補各

童

武庚

耆

章訟

顛

音

蜘蛛

上音

株

孫

各

伯

丁

也札

嗅

許救

獷

古猛

咄

當沒

梢

所音

膊

各

伯

各

店

也蒲

揆

妊

汝鴻

顛

昨焦

羸

力為

掉

徒吊

娘

各

伯

彦

胡茅

邃

私遂

悵

快

上田

亮

反亮

反

齒

五結

噍

噍

即

委治

羊

者

繫

陟立

反

憇

去軋

倩

正七

嘍

嘍

嘍

上

郎

寤

音候

歎

噦

上苦

於

月愛

反

通

食氣

也

反

下

宅

加

省

也

歎

下

於

月愛

反

通

食氣

也

反

腥臭 反 頤 朧 猪音反許也

頸 尺上 嬌反居

星 救反 郢

下 反 臬

古 堯 識 反 楚

上 音 檮 反 側

音 由 誣 無 變 反 呂

音 專 裏 之 鴿 鴿 下 上

音 倉 胡 谷 祛 反 兵

音 倉 胡 谷 祛 反 兵

音 倉 胡 谷 祛 反 兵

音 倉 胡 谷 祛 反 兵

音 倉 胡 谷 祛 反 兵

音 倉 胡 谷 祛 反 兵

音 倉 胡 谷 祛 反 兵

音 倉 胡 谷 祛 反 兵



